

### 第三結行

如何行法者，謂信解自己頂上，上師本尊為普攝一切皈處之自體。

頂禮皈依供養普攝三時皈救之體有恩根本上師賢慧能仁大金剛

以多次念誦啓白故，想能仁歡喜分出第二身，溶入自身自即成能仁，心間月輪座上白阿字標黃吽字周圍咒輪繞，從彼放光淨除諸情器，轉成清淨刹土及能仁，所緣自他一切有情身，心中種字轉念諸心咒，照想所緣行相。

嗡阿古入曼則打鬪蘇麻底格底悉地吽吽。

嗡牟尼牟尼馬哈牟尼耶莎哈。

嗡阿班則打鬪吽吽。隨力多念 後發願云

我今以此之善根 速成上師本尊佛

乃至不餘一有情 悉令同登師佛位

長久修習彼道所集積 二種資糧量等如虛空

唯願成佛廣度及一切 痴盲慧目無明諸眾生

未至彼位一切生生世 願妙音尊慈愍哀攝受

具諸聖教次第最勝道 願得修習令諸佛歡喜

如自所證通達扼要道 引動猛勇悲心善方便

能除眾生意中隱昧暗 唯願長久住持佛聖教

聖教殊勝大寶未周遍 雖遍已壞一切諸方所

唯願以此大悲動我意 光顯如來利益安樂藏

諸佛菩薩殊勝微妙業 願善成就菩提道次第  
施與諸希欲求解脫者 今佛事業長久作增廣  
成辦善道一切諸緣順 並除違緣一切人非人  
唯願一切生生不捨離 諸佛如來所讚清淨道  
何時我於勝乘十法行 爾時如理精勤善修習  
願諸具力恆常作護助 吉祥大海周遍廣十方

等從彼所生一切善根，以猛利欲樂由普賢行願等門，回向自他一切現時究竟  
願處。隨後云

從自心間吽字放光照觸一切情器世界。一切器世間化光溶入一切  
有情世間。有情化光溶入自體。自亦化光溶入心間月輪座上。月入咒

鬘。咒鬘入阿。阿入於吽。吽足入於哈。哈入於哈頭。頭入於打扯。打扯入於特勒。特勒入於那打。那打無所緣成空。心少住定中

復次從空之中。自身一剎那間大威德怖畏金剛一面二臂儼然而立。頭頂喻字。喉間阿字。心間吽字。

又復亦可觀為餘本尊身，或上師能仁大金剛持身，是於未修時中間須作諸事業。

## 第二未修中間

如何作法者，謂多觀閱開示菩提道次第前導六加行法之經論，具正知念，防護根門，飲食知量，精勤恬寤瑜伽，於睡眠時應如何作，於沐浴飲食等瑜伽皆應精勤修學。

唉。